

**27 МАРТА: Празднование Пресвятей Владычице нашей
Богородице в честь иконы Ея, нарицаемая Феодоровская,
иже во граде Костромѣ.**

Вечером 26 марта

Изменяемое №1

На Господи возвах:

Стѹх: Изведи из темницы дѹшу мою, исповѣдаться имени Твоему.

Стѹх: Мене ждут праведницы, дондеже воздаси мне.

Стѹх: Из глубины возвах к Тебѣ, Господи, Господи, услыши глас мой.

Стѹх: Да будут уши Твои внемлюще гласу молѣния моего.

Стѹх: Аще беззакония азриши, Господи, Господи, кто постоит; яко у Тебѣ очищение есть.

Стѹх: Имене ради Твоего потерпѣх Тя, Господи, потерпѣ дѹша моя в слово Твое, упова дѹша моя на Господа.

Стѹх: От стражи утрення до нощи, от стражи утрення, да уповает Израиль на Господа.

Глас 2: Приидите, во гласѣ шума празднующаго/ воспойм Господеву, благодѣявшему нам/ явлением чудеснаго образа Пречистыя Твоей Матере,/ прославляюще богатство благодати,/ юже предстательством Ей изливает обильно на всех,/ под сень пречистаго лица Ей притекающих с верою,/ Иисус Человеколюбец и Спас душ наших.

Стѹх: Яко у Господа милость, и многое у Него избавление, и Той избавит Израиль от всех беззаконий его.

Благознаменит бысть Израилю день оный,/ в оныже рукою Моисея от горькия работы/ во блаженную свободу людие Божии превождахуся,/ сѣе и нам радостен нарочитый сей праздника нашего день,/ яко днесь рукою великаго князя и государя Михайла Феодоровича,/ от Костромских предѣлов возсиявшаго,/ вся страны отечества нашего умирѣл еси, Господи,/ да в мире глубоче прославляем/ благодѣяния и чудеса Твоя.

Стѹх: Хвалите Господа вси языцы, похвалите Его вси людие.

Благими призи́блываше дом Аведда́ров,/ б́ывшу иногда́ в нем
киво́ту За́вета,/ си́це и град наш, имѣя в селѣнии своём образ Твой,
Влады́ко,/ и Пренепоро́чныя Твое́й Ма́тере,/ наслажда́ется богаты́х
даро́в Твои́х,/ прославля́я Тебе́ и с Тобо́ю ро́ждшую Тя,/ Ходатаи́цу
ми́ра и ве́лия ми́лости.

Стѣх: Я́ко утверди́ся ми́лость Его́ на нас, и и́стина Госпо́дня пребыва́ет во ве́к.

Обраща́ше дре́вний Изра́иль в бе́гство полки́ чужи́х,/ разруша́ше
тверды́ни инопле́менных градо́в/ и всех бе́дственных нахожде́ний от
супоста́тов свобождáшеся,/ егда́ ковчѣг За́вета имя́ше с собо́ю,/ но
си́я дре́вняя ми́лости/ призи́бильно удиви́л еси́ на гра́де на́шем,
Го́споди,/ егда́ нечесті́вых, на достоя́ние Твое́ ополчи́вшихся,/
стра́хом смяте́нных бежа́ти вспя́ть сотвори́л еси́,/ пода́в нам
зна́мение по́мощи Твое́й/ в чуде́сном о́бразе одушевле́ннаго Твоего́
Киво́та.

Сла́ва, и ны́не, глас 6: Соше́дшеся, ве́рных совокупле́ния,/ на
пресла́вное торже́ство Бо́жия Ма́тере,/ согла́сно воспойм
благодѣ́яния и чуде́са,/ и́миже Госпо́дь сла́вы,/ в Костромски́х
преде́лах пресла́вно просла́ви Ма́терь Свою́:/ се бо чуде́сно яви́ нам
всечестны́й о́браз Ея́./ О Всеми́лостивый Го́споди, Спа́се наш,/
творя́й чуде́са еди́н,/ удиви́ и на нас дре́вняя о́ныя Твоя́ ми́лости,/
имѣя о сем моля́щую Тя Ма́терь Твою́,/ Покрови́тельницу и
Предста́тельницу гра́ду на́шему,/ да и мы, прі́сно исполня́ющеся
благі́х до́му Твоего́,/ непреста́нно славосло́вим Тя,/ я́ко Ты вчера́, и
днёсь, и во ве́ки То́йже еси́/ Госпо́дь и Промы́слитель наш.

<далее см. основной Чин>

Изменяемое №2

Прокі́мен после «Свѣте ти́хий»: *См. Прокі́мен дня <далее см. основной Чин>*

Изменяемое №3

Паримии:

Бытія́ чтѣ́ние (глава́ 28):

Изы́де Иа́ков от студенца́ кля́твеннаго/ и і́де в Харра́нь./ И обре́те
ме́сто, и спа та́мо,/ за́йде бо со́лнце./ И взят от ка́мения ме́ста того́, и
положи́ возгла́вие себѣ́,/ и спа на ме́сте о́ном, и сон ви́де:/ и се
ле́ствица, утвержде́на на земли́,/ ея́же глава́ досяза́ше до Небе́с,/ и
А́нгели Бо́жии восхожда́ху и низхожда́ху по ней./ Госпо́дь же

утвержда́шеся на ней и рече́:/ Аз Бог Авраа́мов, отца́ твоего́,/ и Бог Исаа́ков, не бо́йся,/ земля́, иде́же ты спи́ши на ней,/ тебе́ дам ю и се́мени твоему́./ И бу́дет се́мя твоё, я́ко песо́к земный,/ и распро́странится на мо́ре, и ли́ву, и се́вер, и на восто́ки./ И возблагословя́тся о тебе́ вся ко́лена земна́я и о се́мени твоём./ И се Аз с тобо́ю, сохра́няйя тя на вся́ком пу́ти, а́може а́ще по́йдеши./ И возвра́щу́ тя в зе́млю си́ю,/ я́ко не има́м тебе́ оста́вити,/ до́ндеже сотвори́ти Ми вся, ели́ка глаго́лах тебе́./ И воста́ Иа́ков от сна своего́ и рече́:/ я́ко е́сть Госпо́дь на ме́сте сем, аз же не ве́дех./ И убо́йся, и рече́:/ я́ко стра́шно ме́сто си́е,/ не́сть си́е, но дом Бо́жий,/ и сия́ врата́ Небе́сная.

Проро́чества Иезе́кии́лева чтéние (главы́ 43 и 44):

Та́ко глаго́лет Госпо́дь:/ бу́дет от дне осма́го и проче́е,/ сотвори́ят иере́и на олтари́ всесо́жже́ния ва́шего/ и я́же спасéния ва́шего,/ и прииму́ вы, – глаго́лет Адона́й Госпо́дь./ И обрати́ мя на пу́ть врат святы́х вне́шних, зря́щих на восто́ки,/ и сия́ бяху затворéна./ И рече́ Госпо́дь ко мне:/ врата́ сия́ затворéна бу́дут и не отве́рзутся,/ и никто́же про́йдет сквозé их,/ я́ко Госпо́дь Бог Изра́и́лев про́йдет ими́, и бу́дут затворéна./ Я́ко игу́мен сядет в них снёсти хлеб,/ по пу́ти Ела́мских врат вни́дет и по пу́ти его́ изы́дет./ И введе́ мя по пу́ти врат святы́х, су́щих к се́веру, прямо́ хра́му,/ и ви́дех, и се испо́льн сла́вы храм Госпо́день.

Притче́й чтéние (глава́ 9):

Пре́мудрость созда́ Себе́ дом/ и утверди́ столпо́в се́дмь./ Закла́ Своя́ же́ртвенная, и раствори́ в ча́ши Своёй вино́,/ и угото́ва Свою́ трапéзу./ Посла́ Своя́ рабы́, созыва́ющи с вы́соким пропове́данием на ча́шу, глаго́лющи:/ и́же е́сть безу́мен, да уклони́тся ко Мне./ И тре́бующим ума́ рече́:/ прииди́те, яди́те Мой хлеб и пи́йте вино́,/ е́же раствори́х вам./ Оста́вите безу́мие, и жи́ви бу́дете,/ и взыщи́те ра́зума, да поживе́те,/ и испра́вите ра́зум в ве́дении./ Наказу́яй злы́я, при́имет себе́ безче́стие,/ облича́яй же нече́стиваго, опорочи́т себе́,/ обличе́ния бо нече́стивому – ра́ны ему́./ Не облича́й злых, да не возненави́дят тебе́,/ облича́й пре́мудра, и возлю́бит тя./ Да́ждь пре́мудрому вино́, и пре́мудрший бу́дет,/ ска́зуй пра́ведному, и

приложит приимати./ Начáло премудрости – страх Господень,/ и совет святых – разум./ Разумети бо закон – помысла есть благаго,/ сим бо образом многое поживеши время,/ и приложатся тебе лета живота.

<далее см. основной Чин>

Изменяемое №4

Лития *глас 4:*

Воспойм, вернии,/ еже о нас Божия благоволения величие,/ яко прославляяй различными чудесами/ вся прочил царствия Своего пределы Господь/ призре и на смирение нас, рабов Своих,/ даровав граду нашему знамение Своего всеблагаго о нас промысла,/ чудесами zde прославленный Матере Своея образ./ К нему же верою притекаяще,/ приемлем вся благая и спасительная нам,/ да тако непрестанно Богоматерь воспеваем/ и рожденного из Нея Иисуса Человеколюбца/ и Спаса душ наших.

Глас 6: Пустыня, яже быше неславна и ненаселенна иногда,/ за явление Божие,/ многочастне и многообразне в ней бывшее,/ сотворися напоследок духовный премудрости училищем/ изшедшему из Египта Израилю,/ сие и мрачное оное место,/ в немже Богосветлое пречестнаго сего явление образа/ просия благодатию изображенного на нем Богомладенца Иисуса/ и предстательством Пречистой Матере Его,/ устрои место душевного света,/ имже духовнии вожди новаго Израиля наставляются/ ко благоуспешному великаго сего служения прохождению./ Сего ради мы, братие,/ такую благодать преславным явлением/ чудесныя оныя иконы приемше,/ благодарим Просветителя душ наших/ и, благодаряще, воззовем к Нему:/ Свете Истинный,/ просвещаяй всякаго человека, в мир грядущаго,/ не притай присно исполняя/ светом Твоего Богоразумия,/ всех мудростию, яже свыше просвещаемых,/ во славу Имене Твоего/ и во спасение Твоего достояния.

Слава, и ныне, глас 8: Откуда мне сие,/ да прииде Мати Господа моего ко мне? –/ взываше Ти Предтечева мати,/ егда пришла еси в дом Захариин, Богомати Пресвятая,/ сие покровительствуемый Тобою

град Костромá,/ приѣмля во предѣлы своя всечестный образ Твой/ и с ним богатство Небесных дарований,/ áки Самую Тебѣ и с Превѣчным Сыном Твоим приѣмлет,/ тѣмже от неописанныя радости недоумевáет:/ кóе слóво принесёт Ти?/ Или кíими благохвалéнии/ в настоящий прázдник явлéния икóны Твоёя возвелíчит Тя?/ Тóчию, ёже Дух Святы́й подадѣ иногда Елисавети,/ сие вси вzywáем о Тебѣ:/ откúду нам сие?/ Яко цельбоно́сным образом Сво́им/ при́иде Мáти Гóспода нáшего,/ рáди Ей подающаго нам мир и вéлию мíлость.

<далее см. основной Чин>

Изменяемое №5

По полиелéи седáлен *глас 6:*

Да ходáтайство, ёже о нас, Богоотрокови́цы дѣйственно бúдет ко Спáсу нáшему,/ сотворíм вся, от Христа повелénная,/ и тáко молíтвы Мáтере Егó исходáтайствуют благáя,/ исполняющая лишéние и нищету́ душ и телéс нáших.

Слáва, и ны́не: Божéственный приспé прázдник чудéснаго приш́ествия во град Костромú/ пречестны́я икóны Всенепорóчныя и едíныя Богомáтере,/ рáдуйтесь úбо вси, христоименíтии лю́дие,/ прославля́я велíчие Бóга нáшего/ и Тогó рóждшия Приснодéвы.

Изменяемое №6

Степéнна, 1-й антифóн, 4-го глáса.

Прокíмен *глас 4:* Помяну́ íмя Твоё/ во всяком рóде и рóде. *Стих:* Слы́ши, Дщи, и вíждь, и приклонí úхо Твоё.

<далее см. основной Чин>

Изменяемое №7

По 50-м псалмé стихíра *глас 8:*

Откúду мне сие,/ да при́иде Мáти Гóспода моего́ ко мне? –/ вzywáше Ти Предт́ечева мáти,/ егда́ пришлá есí в дом Захáриин, Богомáти Пресвятáя,/ сйце покровíтельствуемый Тобóю град Костромá,/ приѣмля во предѣлы своя всечестный образ Твой/ и с ним богатство Небесных дарований,/ áки Самую Тебѣ и с Превѣчным Сыном Твоим приѣмлет,/ тѣмже от неописанныя радости недоумевáет:/ кóе слóво принесёт Ти?/ Или кíими благохвалéнии/ в настоящий прázдник явлéния икóны Твоёя возвелíчит Тя?/ Тóчию, ёже Дух Святы́й подадѣ иногда Елисавети,/ сие вси вzywáем о Тебѣ:/

откуда нам сие?/ Яко цельбоносным образом Своим/ прииде Мати
Господа нашего,/ ради Ей подающего нам мир и велию милость.

<далее см. основной Чин>

Изменяемое №8

Канон *глас 4.*

Песнь 1

Ирмос: Отверзу уста моя,/ и наполнятся Духа,/ и слово отрыгну Царице
Матери,/ и явлюся, светло торжествуя,/ и воспою, радуясь, Тя чудеса.

Отверзый ум разумети Писания учеником Твоим, Господи,/ отверзи
ныне и наша сердца к разумению величия Твоего и Матери Твоея,/
да с Неою боголепно прославим Тя.

Отверсти толкущим двери милосердия Твоего обетовавый,
Владыко наш,/ отверзи нам утробы человеколюбия Твоего,/ имея на
сие молящую Тя Ходатаицу.

Отверсто иногда бысть молитвою Илиною небо,/ ради
беззаконновавшаго Израиля заключенное,/ отверст да будет и нам,
грешным, вход в Небесная предстательством Твоим,
Богородительнице.

Отверзшая рождеством Твоим врата вечная, Богородительница
Пречистая,/ отверзи предстательством Твоим заключенный сердец
наших двери,/ да Сын Твой и Бог наш внидет и освятит я.

Песнь 3

Ирмос: Твоя песнословцы, Богородице,/ Живый и Независный Источнике,/ лик
себе совокупльшия, духовно утверди,/ в Божественней Твоей славе/ венцев славы
подобии.

Твоего плотскаго еже на земли смотрения/ да незабвенно
устроиши воспоминание,/ дал еси нам, Владыко, икону Твою и
Рождшия Тя,/ темже, взирающе на онаю, молим Тя:/ руководи нас к
познанию и люблению Тебе,/ воплощенного Бога и Спаса душ
наших.

Твоей Пренепорочной Матере всечестный образ любовью
объемлюще,/ из глубины души взываем к Тебе, живущему на
Небесах:/ начертай на сердцах наших красный образ добродетелей
Ея,/ да величаем Тя, Господа и Спаса нашего.

Твой всесчестный образ, Владычице, любезно на земли приемлюще,/ зовем к Тебе, сущей во славе Небесней,/ да присно ходатайствуеши нам благодать мыслити и творити достойная Твоего величия,/ еже сотвори Тебе Сильный.

Твоих благодеяний воспоминание, творимое днесь,/ движет сердца наша со устнами к благохвалению Твоему, Владычице,/ но сотвори, да и красный лик Твоих добродетелей/ привлечет сердца наша к люблению и подражанию оных.

Седален, глас 3: Сии людие устнами чтут Мя,/ сердце же их далече отстоит от Мене, —/ рече иногда Господь Вседержитель ко иудеем, един внешний вид благочестия являющим./ Но да и мы не туюжде с ними часть и осуждение восприимем, братие,/ всячески блюдемся дел, подобных лицемерию./ Сего ради празднующе и всесчестный сей праздник,/ да не явемся извне точию благоговейны,/ внутрь же уду зли и нечестивии пред Испытующим сердца и утробы,/ в простоте сердца поклонимся Ему, якоже Сам рече, Духом и истиною,/ да тако будем подражатели Пресвятей Деве,/ в Нейже не глас точию, но паче души величаше Господа/ и Дух радовашеся о Бозе, Спасе Своём.

Слава, и ныне: Покрова Твоего Божественного, Пречистая Богородице Владычице,/ да не отъymeши от рабов Твоих, молят Тя угодники Сына Твоего:/ великомученик Феодор Стратилат и преподобнии чудотворцы,/ страны сея Костромския и Галицкия заступницы,/ ихже моление приими и помилуй нас.

Песнь 4

Ирмос: Седяй в славе на Престоле Божества/ во облаце легце,/ прииде Иисус Пребожественный/ Нетленною Дланию и спасе зовущия:/ слава, Христэ, силе Твоей.

Седяй одесную Престола величества на высоких,/ снишел еси к дольнейшим странам земли/ и, вселивися во чрево смиренномудрой Матере Девы,/ явил еси миру, яко Ты призираеши на смирение рабов Твоих/ и даеши им благодать Твою,/ еяже да и мы

сподобимся, даруй нам быти ревнители смиренномудрия Твоея Матере.

Седяй на рамах Херувим и Серафим,/ благоволил еси плотию седети на объятиях Чистейшия Отроковицы,/ да сим покажеш нам, яко Ты, Святе святых,/ обитаеши в сердцах единых любителей чистоты и целомудрия,/ егоже рачители и нас покажи молитвами рождшия Тя.

Седящему во славе на Престоле Божества/ сподобилася еси Матерь быти,/ ради изящнейшия чистоты и смиренномудрия,/ ихже любители и нас покажи молитвами Твоими,/ да и мы сподобимся части, уготованной рачителем чистоты и смиренномудрия Твоего.

Седети во славе Сына Твоего сподобившаяся, Пренепорочная Дево,/ не престаи молящи благодать Его,/ да и мы, взирающе на образ святых жизни Твоея/ и оному нашим жителем сообразующеся,/ тояжде славы на Небесех будем причастницы.

Песнь 5

Ирмос: Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлётнаго Сына,/ всем воспевающим Тя/ мир подавающая.

Ужасохся и смущахся костромстии жителие,/ мнѣвше знамение Твоего о них промысла,/ икону Матере Твоей, во пламени сгоревшу,/ но сие смущение пременил еси в радость, Господи,/ показав им абие образ сей, от огня и пепела невредим./ Сие да и мы, по обуревающим нас искушениям и напастем,/ присно радуемся о Твоем, еже о нас благоволении,/ молим Тя, Человеколюбче.

Ужасошася иногда полки нашедших на град Кострому супостатов,/ егда от воображения зрака лица Твоего, Господи, и Пресвятыя Твоей Матере/ пустил еси на сих стрелы молниины,/ но сей ужас да вложиши в сердца/ и всех, стремящихся ратоборствовать достойние Твое,/ молим Тя с Ходатаицею нашего избавления.

Ужасни и скорбни бывше жителие Городца,/ узревше икону Твою, Богомати, пренесену во град Кострому:/ мняху бо себе сим пренесением лишенных быти Твоего о них Матерняго

благоволѣнія,/ но да не и мы, таковою же иногда скорбию объяти,/ будем лишѣни знаменій Твоего покровительства,/ не престай, Владычице, пребываючи с нами Твоею милостию.

Яко очи рабыни в руку госпожи своей,/ тако очи наши всегда к Тебе возводим,/ о Многоблагуотробная Госпоже наша и Спасительнице Всесвятая Богородице!/ Призри убо на ны милостивно,/ царствующая на Небеси с Сыном твоим и Богом,/ и ущедри ны, грешныя, потщися,/ яко вся Тебе возможна суть.

Пѣснь 6

Ирмос: Божественное сие и всесестное/ совершающе празднество,/ Богомудрии, Богоматере,/ приидите, руками восплещим,/ от Ней рождаемого Бога славим.

Божественное Твое разумеем истощание, Иисусе, Боже наш,/ егда, взирающе на образ Матере Твоея,/ зрим Тя с Ней яко Младенца, руками Ея держама,/ темже благодаряще сему Твоему еже к нам снисхождению,/ молим Тя, нас ради младенствовавшего,/ быти нам милостива о гресех наших.

Божественнаго Твоего воплощения еже от Девы, да присно славится таинство,/ даровал еси нам, Христэ Царю, всесестную Матере Твоея икону/ с воображенным на ней видом Пречистаго лица Твоего,/ темже и молим Тя, Вседаровитый Господи,/ да даси нам присно славити воплощение Твое,/ имже человецы Божеству соединихомся.

Божественнаго Духа нашествие бысть на девственную утробу Твою, Богомати,/ егда Сына Превечнаго плотию зачала еси,/ Егоже да и мы в сердцах наших присно имамы,/ ходатайствуй нам благодать Тогожде Всесвятаго Духа,/ еюже бывають человецы таинственною обителию Отца и Сына.

Божественных писаний любомудрое рачение с присным во храме Господни пребыванием/ сотвори Тя избранный ипостасныя Божия премудрости Храм,/ но да и мы устроимся храмы Тогожде Бога Жива,/ исходатайствуй нам благодать усердно внимати и

послѣдовати Сына Твоего гласу,/ Иже присно во храмах Его проповѣдуется.

Конда́к, глас 8: Благодарственная приносяще Ти, раби Твои, Богородительнице, о всех,/ и́миже благодеяла еси́ граду́ нашему,/ из глубины́ души́ взыва́ем к Тебе́ и ми́ли ся де́ем:/ не преста́ни, Влады́чице,/ Ма́терними к Сы́ну Твоему́ и Бо́гу нашему́ моли́твами/ подава́ти вся благая́ и спаси́тельная всем,/ ве́рою и любо́вию вопи́ющим Ти:/ ра́дуйся, Де́во, христиа́н похвалé.

И́кос: Стена́ еси́ де́вам, Богоро́дице Де́во,/ и всем, к Тебе́ прибега́ющим,/ и́бо Небесе́ и земли́ Творе́ц устрои́ Тя, Пречи́стая, вселься во утробе́ Твоей/ и вся приглаша́ти Тебе́ научи́в:/ ра́дуйся, сто́лпе де́вства;/ ра́дуйся, двéрь спасéния./ Ра́дуйся, Нача́льнице мы́сленнаго назда́ния;/ ра́дуйся, Подáтельница Божéственныхя́ бла́гости./ Ра́дуйся, Ты бо обнов́ила еси́ зачáтыя стúдно;/ ра́дуйся, Ты бо наказáла еси́ окрáденныя умóм./ Ра́дуйся, тли́теля смýслов упражднѣ́ющая;/ ра́дуйся, Сѣ́теля чистоты́ рóждшая./ Ра́дуйся, черто́же безсе́меннаго уневе́щения;/ ра́дуйся, ве́рных Го́сподеви сочета́вшая./ Ра́дуйся, до́брая Младопита́тельница де́вам;/ ра́дуйся, Невестокраси́тельница душ святи́х./ Ра́дуйся, Невéсто Неневéстная.

Пѣснь 7

Ирмо́с: Не послужи́ша тва́ри Богомúдрии/ па́че Созда́вшаго,/ но, о́гненное прещéние мýжески попра́вше,/ ра́довахуся, пою́ще:/ препéтый отцéв Господь и Бог, благословéн еси́.

Не служи́ти тва́ри па́че Творца́ законоположи́вый челове́ком, Спа́се наш,/ сотвори́, усérдно мо́лим Тя с Богоро́дицею,/ да Дúхом Твои́м просвещáеми,/ не к рукотворéнным изображéнием отнóсим Боголéпное служéние,/ но чрез óбраз Твой возно́симся умы́ и сёрдцы,/ к Еди́ному Тебе́, отцéв Бо́гу благословéнному.

Не послужи́ша бýвшии в пещи́ Вавилóнстей мýдрии ю́ноши бездúшному истукану,/ но Еди́ному Тебе́, во óбразе А́нгела посреде́ пла́мене явльшeмyся Сы́ну Бо́жию, поклони́шася,/ и́хже ли́ку и ча́сти

сопричті и всех, изображѣнием сладчайшаго зрака Твоего двѣжимых/ к прославлѣнію Тебѣ, отцѣв Бѣга благословѣннаго.

Не послужила еси Бѣгу нравом плотских иудеев, Пренепорѣчная Дѣво,/ но дѣхом и истиною, яко истинная Раба Его, покланялася еси Емѣ./ Тѣмже да и мы с Тобѣю истиннии бѣдем поклѣнницы Его,/ ходатайствуй нам благодать,/ еже не в суевѣрном Богопочитаніи, но во истинном благочестіи и вѣре/ служіти отцѣв Бѣгу благословѣнному.

Не послужила еси мѣру и суетѣ его, Богородительнице,/ но, всему предпочѣвши единого Бѣга и закон Его,/ была еси усѣрднейшая всех Раба Господня,/ тѣмже и сподѣбилася еси послужіти вѣлией тайне Бѣжия воплощѣнія, яко Богоматерь,/ но сотвори, да и мы, отвѣргшеся мѣра и яже сѣуть в мѣре,/ вседѣшно прилепимся в послѣжим Единому Отцѣв Бѣгу благословѣнному.

Пѣснь 8

Ирмос: Отроки благочестивыя в пещѣ/ Рождество Богородичо спасло есть,/ тогда ѣбо образѣмое,/ нынѣ же дѣйствуемое,/ вселѣнную всю воздвизает пѣти Тебѣ: Господа пойте, делая,/ и превозносите Его во вся вѣки.

Отрѣча млада нашего ради спасѣнія был еси, Безлѣтный Бѣже наш Иисѣсе,/ Егѣже воображѣние зряще на священней иконѣ,/ усѣрдною в Тя вѣрою вопіем Ти:/ бѣди Воспитатель, Наставник и Покровитель младенцем и отроком нашим,/ да и сѣи во истинней вѣре навѣкнут глаголати Тебѣ:/ Господа пойте, делая,/ и превозносите Его во вся вѣки.

Отрок дванадесятилѣтен бѣвый, Иисѣсе,/ посреде старец и учителей во святѣлищи пребывая, послѣшал еси их/ и, совопрошася с ними, являл еси святѣю рѣвность к Божѣственному закону,/ да сим и наша отроки наставший/ тѣатися во время юности стяжавати духовную, яже от закона Твоего премѣдрость,/ да и онѣ научатся сѣрдцы и усты,/ словесы же и дѣлы превозносите Тя во вся вѣки.

Отроки от пещѣ Вавилонския избавльшему Господу/ молися прилѣжно, Богоневѣстная Отроковѣце,/ да дарует всем, под кров Твой прибегающим,/ неврежденным бѣти от огня искушѣний и

пламене похотѣй,/ да, тако Тобою избавльшеся,/ чистыми душами и нескверными устнами благословим с Тобою Единого Избавителя Господа/ и превозносим Его во вся веки.

Отроковицам Твое целомудрие и чистота да будет красота и слава,/ чревоносящим Твое безболѣзненное и святое рождество/ да будет сладкое утешение и отрада,/ всем же, всякаго пола и возраста чтущим Тя, Богоневѣсто,/ добродѣтели Твоя да будут единым упражнением их,/ яко сими токмо достойне от человека прославляется Господь, живый во веки.

Пѣснь Богородицы: Величит душа моя Господа: *<см. основной Чин>*

Пѣснь 9

Ирмос: Всяк земнородный/ да възграется, Духом просвещаемь,/ да торжествует же Безплотных умов естество,/ почитающее священное торжество Богоматере и да вопиет:/ радуйся, Всеблаженная Богородице,/ Чистая Приснодево.

Всякое колѣно Небесных, и земных, и преисподних да покланяется Тебѣ,/ яко носящему в Себѣ неизменный Преблаженного Отца Твоего образ, Иисусе./ С нимиже и мы, верою просвещаемы,/ Тя, Истинного Бога, образ человек от Девы приимшаго, боголепно величаем.

Всяка уста да заградятся суесловящих,/ яко несть достойно чествовати Твою и Пречистую Матере Твоей икону, Владыке:/ се бо, прославив сию чудесами,/ научил еси достояние Твое Тебѣ и во образе плоти Твоей/ с Пренепорочною Твоею Материю прославляти и величати.

Вси роды верных, по проречению Твоему, блажат Тя,/ Благословенная, Христа Бога нашего Мати./ С ними же и мы, верою совокуплены,/ благоговейно чтуще священное лица Твоего изображение,/ прославляем Твоя величия, яже сотвори Тебѣ Господь сил,/ с Ним же Тя величаем.

Всяк язык смертных, по достоянию, изнемогает величати Тя,/ над всеми превознесенную, о Богоневѣсто!/ Темже и мы, прославляюще Тя днесь, исповедуем наше крайнее неможѣние,/ но, сие исповедующе, молим Тя,/ да по множеству щедрот Твоих, приимеши

мáлое сие приноше́ние,/ во зна́мение мно́гия любве́ и усер́дия нас,
велича́ющих Тя.

<далее см. основной Чин>

Изменяемое №9

Свети́лен:

Свет Ли́ца Твоего́ и Пресвяты́я Твое́я Ма́тере/ яви́вый нам,
Влады́ко, во всечестно́й ико́не сей,/ сотвори́ нас, я́ко ча́да све́та
ходи́ти во све́те за́поведей Твои́х,/ да, егда́ яви́шися во сла́ве с
Ро́ждшею Тя,/ сообра́зны бу́дем светле́йшему со́лнца о́бразу Твое́й
сла́вы.

Сла́ва, и ны́не: Бо́жия тезоимені́тый дара́ страда́лец Христо́в
Фео́дор/ Божество́нный воістинну дар, пречестну́ю Пречи́стыя
Богома́тере ико́ну,/ гра́ду нашему́ Костромé прине́с, вруча́ет,/ ю́же мы
с неизрече́нною ра́достью, я́ко Небе́сное сокро́вище, прие́млюще,/
играим духо́вне и ликовству́ем, просвеща́еми све́том Божество́ннаго
лица́ Мари́и При́сноде́вы,/ от Нея́же возсия́ Пра́ведное Со́лнце –
Христо́с,/ просвеща́яй вся́каго челове́ка, гряду́щаго в мир.

<далее см. основной Чин>

Изменяемое №10

На стихо́вне стихи́ры *глас 4:*

Принесе́нней бы́вшей ико́не Твое́й,/ Богоневесто́ Влады́чице,/ во
избра́нный Тобо́ю град наш,/ испо́лнися премно́гия ра́дости вели́кий
кня́зья/ и с ним вси ве́рных собо́ри,/ иму́ще с собо́ю ви́димое
зна́мение Твоего́ о себѣ благоволе́ния,/ на не́же и мы, сы́нове их,
при́сно взира́юще,/ в весе́лии ду́ха прино́сим Ти дне́сь и
Ро́ждшемуся из Тебе́/ пе́снь благодарѣ́ния.

Стих: Слы́ши, Дщи, и ви́ждь,/ и приклоні́ у́хо Твое́.

Во о́блацех дугу́ положи́вый во зна́мение/ ве́чнаго земли́ с
Небеса́ми ми́ра,/ дал еси́ зна́мение гра́ду нашему́/ Твоего́ всеблага́го
о нем про́мысла, Влады́ко,/ утверди́в во святѣ́лищи его́ всечестну́ю
Ма́тере Твое́я ико́ну,/ на ню́же взира́юще,/ воспомина́ем ве́лия и
пресла́вная,/ я́же явля́еши к нам,/ ве́рою Тя сла́вящим/ и к
ходата́йству Ма́тере Твое́я с любóвию прибега́ющим.

Стих: Ли́цу Твоему́ помо́лятся/ бога́тии лю́дстии.

Волсвѣ, пришедшии от востокъ,/ узрѣвше звездѹ,/ ёюже ко Христу, в Вифлеѣме рождемуся, руководими бѣху,/ возрадовахуся радостию великою зело,/ сѣе и мы, вѣрнии, радуемся и веселимся,/ благодарѣще Человеколюбца Иисуса,/ чрез икону сию руководѣющаго нас к познанию/ вочеловѣчения Его от Пренепорочныя Дѣвы.

Слѣва, и нынѣ, глас 8: Во днѣх плоти Твоея, Иисусе, Бѣже наш,/ предѣлы единого дому Израилева/ прошѣл еси, благодѣтельствуя/ и всякъ недугъ и всяку язю в людѣх Его исцѣляя,/ но по днѣх востанія Твоего,/ сѣдя со Отцем на Престолѣ величества,/ вся концы вселенныя славою чудесъ/ и множеством щедротъ Твоихъ исполни еси,/ ихже да не лишѣн будетъ и смиренный градъ наш/ со предѣлы своими:/ благоволи еси, даровавъ ему пречестную Матере Твоея икону,/ всемъ, к Тебѣ вѣрою приходѣющимъ,/ ощущати Божественную Твою силу./ Сего ради и мы, толикихъ дарованій наслаждающеся,/ в радости Духа взываемъ Ти:/ Слава Твоему всеблагому о нас промыслу,/ Едине Человеколюбче и Спасе душ нашихъ.

<далее см. основной Чин>

Утром 27 марта

Изменяемое №11

По 1-м стихословии седальны *глас 4:*

Стѣкшеся на пѣнія чудесъ,/ яже ходатайствомъ Матере Своей яви намъ Господь силъ во славу Свою,/ подражаемъ, вѣрнии, Богоприятней добродѣтели Ея,/ к славе рожденнаго изъ Нея Иисуса Человеколюбца и Спаса душ нашихъ.

Слѣва, и нынѣ, Богородичен: <далее см. основной Чин>

Изменяемое №12

По 2-м стихословии седальны *глас 3:*

Блаженно чрево бѣсть Приснодѣвы, яко носившее Христа Господня,/ блаженнейше же бѣсть сердце Ея, яко приѣмшее и сохранившее словеса Его./ Сего ради и мы, братіе, подражаемъ любомудрию Ея,/ да услышимъ отъ праведнаго Мздовоздателя сладкій оный глас:/ блажени и вы, слышавшии слово Моё и сохранившии е.

Слѣва, и нынѣ, Богородичен: <далее см. основной Чин>

Тропáрь глас 4:

Пришествием честныя Твоей иконы, Богоотроковице,/ обрадованный днесь Богохранимый град Костромá,/ якоже древний Израиль к кивóту Завета,/ притекает ко изображению лица Твоего/ и воплотившагося от Тебé Бóга нашего,/ да Твоим Матерним к Немú представительством/ прísно ходáтайствуеши всем,/ под сень кро́ва Твоего прибегающим,/ мир и вéлию мýлость. Трýжды.

<далее см. основной Чин>

На хвалíteх стихýры:

Стýх: Сотворíti в них суд напýсан./ Слáва сия бýдет всем преподóбным Егó.

Стýх: Хвалíte Бóга во святы́х Егó,/ хвалíte Егó во утвержéнии сýлы Егó.

Стýх: Хвалíte Егó на сýлах Егó,/ хвалíte Егó по мнóжеству велýчества Егó.

Глас 1: Хвалímый по мнóжеству велýчества Твоего от Небéсных сил,/ приими́ и от нáших брénных устén пéснь благодарéния,/ éже возсыла́ем Тебé за мнóжество щедрóт,/ ýмиже прísно благодéеши нам,/ дарова́в Пречýстия Богомáтере икону/ во утвержéние, и защищéние, и спасéние нáше.

Стýх: Хвалíte Егó во гласе тру́бнем,/ хвалíte Егó во псалтýри и гýслех.

Хвалímый по мнóжеству велýчества Твоего от Небéсных сил,/ приими́ и от нáших брénных устén пéснь благодарéния,/ éже возсыла́ем Тебé за мнóжество щедрóт,/ ýмиже прísно благодéеши нам,/ дарова́в Пречýстия Богомáтере икону/ во утвержéние, и защищéние, и спасéние нáше.

Стýх: Хвалíte Егó в тимпáне и ли́це,/ хвалíte Егó во стру́нах и оргáне.

В нарóчитый сей прáздника нáшего дéнь/ составим благокрасны́ лики,/ оргáнами устén нáших прославляюще/ посетívшую град наш чудéсною Своёю иконою Богорóдицу,/ Ея́же представительством прекланя́емь, Всевы́шний Влады́ка/ подаёт нам со мнóжеством щедрóт/ мир и вéлию мýлость.

Стýх: Хвалíte Егó в кимвáлех доброгласных, хвалíte Егó в кимвáлех восклицáния./ Всякое дыхáние да хва́лит Гóспода.

Прáзднующе всечестны́й сей Богомáтере прáздник,/ да не бýдем, брáтие, я́ко ме́дь звенящи/ или́ кимвáл звяцáяй,/ но да вéрою

живо́ю/ и одушевлѧющею вся нѧша делѧ/ любѧвию ликовству́ем
днѣсь:/ сицевѧе бо то́кмо чество́вание Богома́тери/ и сицевѧе
славосло́вие Сы́ну Ея́ и Бо́гу нѧшему благоприя́тно е́сть./ Те́мже
глаго́лем илѧ́ дѣем днѣсь,/ ве́рою и любѧвию нам да быва́ют.

Сла́ва, глас 8: Приидѧ́те, вси Росси́йстии ве́рных собо́ри,/ воспѧ́йте
днѣсь с нѧми Го́сподеви пе́снь Богокра́сную,/ прославля́юще
благодѣя́ния и щедро́ты Его́,/ да мы сѧ́ми вѧ́ну наслажда́ющесѧ,/
непреста́нно хва́лим, благослови́м и велича́ем Спаси́теля нѧшего,/
из глуби́ны душі́ вопи́юще к Нему́:/ о Влады́ко, всех Прещедре и
Всеси́льне!/ Не преста́й и ны́не продолжа́ти к нам дре́вния о́ныя
Твоя́ ми́лости,/ сохраня́я Божѣ́ственным Твои́м Про́мыслом лю́ди
Твоя́,/ да, в ми́ре и ти́шинѣ живу́ще,/ непреста́нно с Ро́ждшею Тя
велича́ем.

И ны́не, Богоро́дичен: <см. основной Чин>

Изменяемое №15

Конда́к *глас 8:*

Притеце́м, лю́дие, вси к ти́хому и до́брому приста́нищу,/ в дом
Бо́жия Ма́тере,/ чу́дному о́бразу Цари́цы и Богоро́дицы,/ за
неизрече́нную ми́лость Ея́ явле́нному,/ ве́рно припа́дающе и
вопи́юще:/ о Всеми́лостивая Влады́чице,/ за спаси́тельное Твое́
смотре́ние,/ чу́днаго о́браза к нам прише́ствие,/ посети́ нас, грѣшных,
свѣ́тло сотворя́ющих пра́зднество Твое́,/ укрепѧ́ страну́ нѧшу,/ ди́вно
на враги́ побѣ́ду пода́ющи, и ве́ру утверди́./ Це́рковь Сы́на Твоего́
непоколеби́му соблюди́,/ притека́ющих к Тебе́ спаси́, от вся́ких
напа́стей изба́ви,/ сохраня́ющи в ми́ре все Правосла́вие, да зове́м
Ти:/ ра́дуйся, Невѣсто Неве́стная.

<далее см. основной Чин>

На Литургии

Изменяемое №20

Прокимен, *глас 3:* Вели́чит душа́ Моя́ Го́спода,/ и возра́довасѧ́ дух
Мой о Бо́зе, Спа́се Моѣ́м. *Стих:* Я́ко призре́ на смире́ние Рабы́ Своея́,
се бо отны́не ублажа́т Мя вси ро́ди.

Изменяемое №21

Аллилуиа, *глас 8*: Слѣши, Дщи, и виждь, и приклонѣ́ у́хо Твое́. *Стих*:
Лицѹ́ Твоемѹ́ помѡлятся богáтии лю́дстии.